

Հ Ա Յ Տ Ա Ր Ա Ր ՈՒ Թ Յ ՈՒ Ն

**«Վանաձորի Հ. Թումանյանի անվան պետական համալսարան» հիմնադրամի
քոլեջը 2026-2027 ուստարում կատարում է ընդունելություն հետևյալ
մասնագիտություններով.**

	Կրթության ձևը	Կրթության հիմքը	Ընդունելության տեղերի թիվը			Ուսման տևողությունը	Որակավորումը
			Անվճար	Վճարովի			
					Չափը		
Գործավարություն՝ օտար լեզվի խորացված իմացությամբ	Առկա	հիմնական	7	13	150.000	4 տարի	Գործավար
Հաշվողական տեխնիկայի և ավտոմատացված համակարգերի ծրագրային ապահովում	Առկա	հիմնական	13	7	150.000	4 տարի	Տեխնիկ-ծրագրավորող
Հաշվապահական հաշվառում	Առկա	հիմնական	0	20	150.000	3 տարի	Հաշվապահ
Նախադպրոցական կրթություն	Առկա	հիմնական	10	10	150.000	3 տարի	Դաստիարակ՝ նախադպրոցական կրթության
Էլեկտրական կայաններ, ցանցեր և համակարգեր	Առկա	հիմնական	10	10	150.000	3,6 տարի	Տեխնիկ՝ էլեկտրական կայանների, ցանցերի և համակարգերի շահագործման և տեխնիկական սպասարկման
Ապահովագրական գործ	Առկա	հիմնական	3	17	150.000	3 տարի	Գործակալ՝ ապահովագրական գործի
Սպառողական ապրանքների որակի փորձաքննություն	Առկա	հիմնական	0	20	150.000	3,5 տարի	Փորձագետ՝ ապրանքների որակի փորձաքննության

Կայք էջ <https://vsu.am/qolej-2/>

Ֆեյսբուքյան էջ https://www.facebook.com/vanajori.petakan.hamalsarani.k.olej?locale=ru_RU

Պաշտոնական էլ. հասցե vsucollege2011@gamil.com

Մասնագիտություն	Ընդունելության առարկաներ			մրցութային
	1	2	3	
Գործավարություն՝ օտար լեզվի խորացված իմացությամբ	1	2	3	
	ՕԼ	ՀԼԳ	ՀԱ	
Հաշվողական տեխնիկայի և ավտոմատացված համակարգերի ծրագրային ապահովում	Մ	Ֆ	ՀԼԳ	
Հաշվապահական հաշվառում	Մ	ՀԼԳ	ՕԼ	
Նախադպրոցական կրթություն	ՀԼԳ	Մ	ՀԱ	
Էլեկտրական, կայաններ, ցանցեր և համակարգեր	Մ	Ֆ	ՀԼԳ	
Ապահովագրական գործ	Մ	ՀԼԳ	ՕԼ	
Սպառողական ապրանքների որակի փորձաքննություն	Ք	ՀԼԳ	Մ	

Օգտագործված հապավումներ.

ՀԼԳ- Հայոց լեզու և գրականություն

ՕԼ- Օտար լեզու

Մ – Մաթեմատիկա

Ֆ- ֆիզիկա

ՀԱ- Հայոց պատմություն

Ք- Քիմիա

✓ Մրցութին մասնակցելու համար դիմորդի դիմում հայտը և փաստաթղթերն էլեկտրոնային եղանակով ընդունվում են Համակարգ՝ ընդունելության պայմանների վերաբերյալ հայտարարության հրապարակման օրվանից սկսած, բայց ոչ ուշ, քան հուլիսի տասից.

1) ոչ ոլորտային մասնագիտություններով՝ մինչև օգոստոսի 10-ը, ժամը 18⁰⁰ ներառյալ,

2) ոլորտային մասնագիտություններով՝ մինչև հուլիսի 24-ը, ժամը 18⁰⁰ ներառյալ, իսկ քննություններն անցկացվում են հուլիսի 25-ից օգոստոսի 8-ը ընկած ժամանակահատվածում:

✓ Դիմորդների կողմից դիմում հայտերը Համակարգում կարող են փոփոխվել մինչև դիմումների ընդունման օրվա ավարտը:

✓ Անվճար և վճարովի ուսուցման տեղերում մրցութն իրականացվում է փաստաթղթերի ընդունման, իսկ ոլորտային մասնագիտությունների գծով՝ քննությունների ավարտման հաջորդ աշխատանքային օրը:

✓ Դիմորդը՝ Համակարգում էլեկտրոնային եղանակով լրացնում է դիմում հայտը, որը ներառում է անձնական տվյալները (անուն ազգանուն հայրանուն, ծննդյան օր ամիս տարեթիվ, էլեկտրոնային հասցե, հեռախոսահամար) և Հանրային ծառայության համարանիշը (ՀԾՀ) կամ ՀԾՀ չունենալու վերաբերյալ տեղեկանքը:

✓ Դիմորդը կարող է դիմել մեկ ՄՈՒՀ-ի մեկ որակավորման (ուղղվածության) կամ մասնագիտության (մասնագիտացման) համար, այդ թվում՝ երգեցողության կամ երաժշտական գործիքի տեսակի կամ մարզաձևի հայտագրմամբ՝ անվճար և վճարովի (նախատեսված լինելու դեպքում) ուսուցման հիմունքով:

Դիմորդի հայտը պարունակում է ներքոնշյալ տեղեկությունները, որոնք ներբեռնվում են ինքնաշխատ եղանակով, իսկ դրա բացակայության կամ անհնարինության դեպքում՝ դիմորդի կողմից.

1) լուսանկար,

2) կրթության համար հիմք հանդիսացող սույն կարգի 61-րդ կետով սահմանված նախընտրած փաստաթուղթը, իսկ սույն կարգի 63-րդ կետով սահմանված դեպքում՝ միգրացիայի և քաղաքացիության ոլորտում լիազոր մարմնի տրամադրած համապատասխան փաստաթուղթը,

3) անձը հաստատող փաստաթուղթ՝ անձնագիրը, նույնականացման քարտը, զինվորական գրքույկը և այլն՝ ըստ ՀՀ կառավարության 1999 թվականի դեկտեմբերի 22-ի N 767 որոշմամբ սահմանված տեսակների,

4) Հանրապետական զորակոչային հանձնաժողովի կողմից տրված կցագրման վկայականի պատճենը,

5) սույն կարգի 14-րդ կետով սահմանված՝ ընդունելության արտոնության իրավունքը հաստատող փաստաթուղթը,

6) տեղեկանք վերջին երեք տարում սովորած և ավարտած ուսումնական հաստատության մասին,

7) տեղեկանք փաստացի բնակության վայրից:

**Լրացուցիչ հարցերի համար զանգահարել
Քոլեջի տնօրեն՝ Արևիկ Լոքյան 094-425-192**

Ք. ՎԱՆԱԶՈՐ

«-----» -----202 թ.

ՀՀ կրթության, գիտության, մշակույթի և սպորտի նախարարության «Վանաձորի Հ.Թումանյանի անվան պետական համալսարան» հիմնադրամ, որը գործում է իր կանոնադրության հիման վրա, 03.10.2016 թվականի թիվ 0073 լիցենզիայով, հետագայում «Համալսարան», ի դեմս ռեկտոր Արմեն Ծատուրյանի մի կողմից և մյուս կողմից _____ (հետագայում

(անուն, հայրանուն, ազգանուն) հասցեն

Պատվիրատու) կնքեցին սույն պայմանագիրը հետևյալի մասին.

1. Պայմանագրի առարկան

Պայմանագրի առարկան ուսանողի՝ -----

-----մասնագիտության գծով ուսումնական պլանի և առարկայական ծրագրերի համաձայն՝ անվճար/վճարովի ուսուցում իրականացնելու պայմաններն են:

2. Ուսանողի իրավունքները և պարտականությունները

2.1 Քոլեջի ուսանողը իրավունք ունի՝

- 1) ընտրել տվյալ մասնագիտության կամ մասնագիտացման ուսուցման համար պարտադիր(էլեկտիվ) և տվյալ մասնագիտության կամ մասնագիտացման ուսուցման համար ոչ պարտադիր (ֆակուլտատիվ) դասընթացներ, որոնք տրամադրում է Քոլեջը
- 2) մասնակցել Քոլեջի կառավարմանը՝ ընդգրկվելով Խորհրդի կազմում, մասնակցել ուսանողական խորհրդի, խմբակների, ակումբների ստեղծմանը և դրանց աշխատանքներին
- 3) մասնակցել իր կրթության բովանդակության ձևավորմանը՝ պահպանելով մասնագիտական կրթության մասնագիտությունների պետական կրթական չափորոշիչների պահանջները,
- 4) ստանալ կրթություն՝ պետական կրթական չափորոշիչներին համապատասխան, և ձեռք բերելու գիտության, տեխնիկայի և մշակույթի զարգացման ժամանակակից մակարդակին համապատասխան գիտելիքներ
- 5) վճարովի հիմունքով ստանալու երկրորդ մասնագիտություն կամ օգտվելու լրացուցիչ (այդ թվում՝ վճարովի) կրթական ծառայություններից,
- 6) սահմանված կարգով վճարովի ուսուցման համակարգից փոխադրվել անվճար ուսուցման համակարգ և հակառակը
- 7) սահմանված կարգով անհրաժեշտության դեպքում ստանալ ակադեմիական արձակուրդ մինչև մեկ տարի ժամկետով
- 8) անվճար օգտվել քոլեջի գրադարանից, ուսումնական, գիտական, բուժական և այլ ստորաբաժանումների ծառայություններից
- 9) մասնակցել Քոլեջի հետազոտական, նախագծային աշխատանքների կատարմանը
- 10) ստանալ ուսման վճարի լրիվ կամ մասնակի փոխհատուցման ուսանողական նպաստ և կրթաթոշակ:

2.2 Պետության կողմից ուսանողական նպաստների ձևով ուսման վարձի փոխհատուցմամբ ուսումնառող և կրթաթոշակ ստացող ուսանողները ակադեմիական արձակուրդից վերադառնալուց հետո վերականգնվում են ուսուցման նույն համակարգում:

2.3 Քոլեջի ուսանողը և դիմորդն իրավունք ունի ծանոթանալ Քոլեջի լիցենզիային և ներքին կանոնակարգերին, ինչպես նաև պետական հավատարմագրման վկայականին /առկայության դեպքում/:

2.4 Միջին մասնագիտական ուսումնական հաստատությունների բարձր առաջադիմություն ցուցաբերած շրջանավարտները կարող են կրթությունը շարունակել բարձրագույն ուսումնական հաստատություններում համապատասխան մասնագիտությամբ՝ երկրորդ կուրսում՝ հեռակա ուսուցմամբ: Միջին մասնագիտական ուսումնական հաստատությունների բարձր առաջադիմություն ցուցաբերած շրջանավարտների՝ բարձրագույն ուսումնական հաստատություններում համապատասխան մասնագիտությամբ կրթությունը շարունակելու կարգը սահմանում է Հայաստանի Հանրապետության կառավարությունը:

2.5 Քոլեջի ուսանողը պարտավոր է.

- 1) կատարել Քոլեջի կանոնադրության պահանջները և պահպանել ներքին կարգապահական կանոնները,
- 2) պարտադիր հաճախել ուսումնական պլանով նախատեսված պարապմունքներին նսահմանված ժամկետներում կատարել ուսումնական գործընթացի ժամանակացույցով նախատեսված գործառնությունները
- 3) խնամքով վերաբերվել Քոլեջի գույքին՝ վնաս պատճառելու դեպքում հատուցել նյութական վնասը
- 4) հարգել աշխատողների և ուսանողների իրավունքներն ու արժանապատվությունը
- 5) վճարովի հիմունքներով սովորելիս՝ սահմանված կարգով և ժամկետներում վճարել ուսման վարձը
- 6) կատարել կրթական ծրագրերի պահանջները
- 7) հաճախել պարտադիր համարվող դասախոսություններին, սեմինար (գործնական) պարապմունքներին
- 8) բարձր պահել Քոլեջի ուսանողի պատիվն ու հեղինակությունը
- 9) պահպանել հասարակության բարոյական նորմերը
- 10) անվճար ուսուցման կարգավիճակը կորցնելու դեպքում համապատասխան կուրսի համար նախատեսված վարձավճարի չափով և սահմանված ժամկետներում վճարել ուսման վարձը
- 11) անկախ ուսումնառության ընդհատման պատճառից մարել ուսման վարձի և /կամ գրադարանի պարտքը:

3. Քոլեջի իրավունքները և պարտականությունները

3.1 Քոլեջը պարտավորվում է կազմակերպել ուսանողի ուսուցումը՝ հաստատված ուսումնական պլանների և առարկայական ծրագրերի միջոցով:

3.2 Ուսումնառության տարիներին ապահովել ուսումնական պլաններով նախատեսված ուսումնական գործընթացն ապահովող բոլոր պայմանները:

3.3 Ուսանողի համար ստեղծել հնարավորություններ՝ օգտվելու քոլեջի գրադարանից, Մարզական և առողջարանական կառույցներից, ընթերցասրահից, նիստերի դահլիճից, սննդի և սոցիալական այլ ծառայություններից:

3.4 Ուսանողի կրթության և դաստիարակության գործընթացն ապահովել բարձրակարգ մասնագետներով, դասավանդման ժամանակակից մեթոդներով, դասագրքերով, ուսուցման տեխնիկական միջոցներով, ուսանողին տալ մասնագիտական կրթություն և տալ ավարտական փաստաթուղթ (դիպլոմ)՝ համապատասխան ներդրիքով:

3.5 Արհեստագործական կամ միջին մասնագիտական կրթության հիմնական կամ Լրացուցիչ կրթական ծրագիրը չավարտած անձին տալ ակադեմիական տեղեկանք՝ ուսումնասիրած առարկաների, դասընթացների, դրանց ժամաքանակի և արդյունքների

նշումով:

3.6 Ստեղծել հավասար պայմաններ առաջադիմության բարձրացման համար թե՛ անվճար և թե՛ վճարովի համակարգում կրթություն ստացող ուսանողների համար և վճարովի ուսուցման համակարգի ուսանողին սահմանված կարգով փոխադրել անվճար ուսուցման համակարգ և հակառակը:

3.7. ՄՈՒՀ-ի բարձր առաջադիմություն ցուցաբերած շրջանավարտները կրթությունը կարող են շարունակել ԲՈՒՀ-ի համապատասխան մասնագիտությամբ 2-րդ կուրսում հեռակա ուսուցմամբ:

4. ՈՒսման վարձի վճարման կարգ և հատուկ պայմաններ

4.1. Ուսման վարձի չափը սահմանվում է քոլեջի կողմից, որը կազմում է.

1) I կուրս _____ դրամ

Առաջին կիսամյակ _____ Երկրորդ կիսամյակ _____

Յուրաքանչյուր ամիս /ըստ 9 ամիսների բաժանված/ _____

2) II կուրս _____ դրամ

Առաջին կիսամյակ _____ Երկրորդ կիսամյակ _____

Յուրաքանչյուր ամիս /ըստ 9 ամիսների բաժանված/ _____

3) III կուրս _____ դրամ

Առաջին կիսամյակ _____ Երկրորդ կիսամյակ _____

Յուրաքանչյուր ամիս /ըստ 9 ամիսների բաժանված/ _____

4) IV կուրս _____ դրամ

Առաջին կիսամյակ _____ Երկրորդ կիսամյակ _____

Յուրաքանչյուր ամիս /ըստ 9 ամիսների բաժանված/ _____

4.2 Հատուկ պայմաններ.

1) Նշվում և լրացվում է մինչև տվյալ մասնագիտության համար սահմանված ուսումնառության ավարտը և այն տարբերակը, որով ուսանողը պարտավորվում է կատարել վճարումները:

2) Ուսանողի կողմից վճարումը կատարվում է նշված տարբերակի՝ յուրաքանչյուր ամսվա կամ կիսամյակի սկսելուց 7 աշխատանքային օրվա ընթացքում, եթե փոխադարձ համաձայնությամբ վճարման այլ ժամկետներ չեն սահմանվում:

3) Վճարումը կարելի է կատարել ինչպես կանխիկ՝ քոլեջի դրամարկղում, այնպես էլ փոխանցումով քոլեջի հաշվեհամարին՝ _____ Հ/Հ _____:

4.3 Ուսման տևողությունը _____

5. Պայմանագրի գործողության ժամկետները վաղաժամկետ լուծարման հիմք

5.1. Սույն պայմանագիրն ուժի մեջ է ստորագրման պահից և գործում է մինչև ուսանողի ուսումնառության ավարտը, բացառությամբ սույն պայմանագրի 5.2 և 6.6 կետերում նշված դեպքերի:

5.2 Ուսանողի հեռացման վերաբերյալ քոլեջի հրամանը հիմք է սույն պայմանագրի վաղաժամկետ լուծման համար: Ուսանողը պայմանագիրը վաղաժամկետ կարող է լուծել, եթե նա կամավոր ընդհատում է ուսումնառությունը և այդ մասին դիմում է ներկայացնում տվյալ կիսամյակի քննաշրջանի սկզբից մեկ ամիս առաջ սահմանված ընթացակարգով՝ վճարելով սովորած ժամանակաշրջանի համար նախատեսված ուսման վարձը:

6. Եզրափակիչ դրույթներ

6.1 Կողմերն իրենց պարտականությունները ամբողջությամբ կամ մասնակիորեն չկատարելու դեպքում ազատվում են սույն պայմանագրով սահմանված պատասխանատվությունից, եթե դա տեղի է ունեցել սույն պայմանագիրը կնքելուց հետո ծագած այնպիսի անհաղթահարելի ուժի ազդեցության (ՖՈՐՍ-ՄԱԺՈՐ) հետևանքով, որը կողմերը չէին կարող կանխատեսել և կանխարգելել:

6.2 Սույն պայմանագրով չկարգավորված հարցերը լուծվում են գործող օրենսդրության համապատասխան:

6.3 Կողմերը պարտավորվում են վիճահարույց հարցերը լուծել փոխադարձ համաձայնությամբ հակառակ դեպքում՝ ՀՀ օրենսդրությամբ սահմանված կարգով:

6.4 Սույն պայմանագիրը կազմված է երկու հավասարազոր օրինակից: Պայմանագիրն ի պահ է տրվում քոլեջին և ուսանողին կամ օրինական ներկայացուցիչին:

6.5 Ժամկետային զինվորական ծառայության գորակոչի կամ առողջական վիճակի պատճառով ձևակերպված ակադեմիական արձակուրդից հետո վերականգնվող ուսանողի հետ նոր պայմանագիր չի կնքվում, անվճար համակարգի ուսանողը պահպանում է նախկինում ունեցած ուսանողական նպաստ ստանալու իրավունքը, իսկ վճարովի համակարգին՝ վճարում է նախկինում սահմանված ուսման վարձը:

6.6 Ուսումնական պլանների, առարկայական ծրագրերի պահանջները և ուսումնական Գործընթացի ժամանակացույցը չկատարելու, անբավարար ակադեմիական առաջադիմություն ցուցաբերելու, ինչպես նաև կանոնադրության կամ ներքին կարգապահական կանոններով նախատեսված պահանջները խախտելու համար ուսանողը կարող է Տնօրենի կամ նրա լիազորած անձի կողմից ենթարկվել կարգապահական պատասխանատվության՝ ընդհուպ մինչև Քոլեջից հեռացվելը:

6.7 Ուսման վարձը չմուծած ուսանողը քննաշրջան չի թույլատրվում:

6.8 Անկախ ուսումնառության ընդհատման պատճառից սույն պայմանագիրը համարվում է անվավեր և քոլեջի կողմից իրականացվում է վճարած ուսման վարձի վերահաշվարկ և ուսանողին վերադարձվում չուսումնառած ժամանակահատվածի համար վճարած գումարը

7. Պայմանագրի իրավական հիմքերը

Ուսանողի և քոլեջի միջև հարաբերությունները կանոնակարգվում են ՀՀ քաղաքացիական օրենսդրությամբ, <<Կրթության մասին>>, <<Նախնական (արհեստագործական) մասնագիտական և միջին մասնագիտական կրթության մասին>> ՀՀ օրենքներով, ուսումնական հաստատության կանոնադրությամբ, ներքին կարգապահական կանոններով և այլ իրավական ակտերով:

8. Կողմերի իրավաբանական հասցեները և ստորագրությունները

Ուսանողը կամ օրինական
ներկայացուցիչը
Ստորագրություն _____
Անձնագիրը
Սերիա _____ Համար _____
Երբ է տրված _____

Ում կողմից _____
Հասցե _____
Հեռ. _____

Ռեկտոր՝ Ա. Ծատուրյան _____
Հասցե՝ _____ Տիգրան Մեծի 36 _____
ՀՎՀՀ _____ 06902542 _____

«ՎՏԲ- ՀԱՅԱՍՏԱՆԻ ԲԱՆԿ» Վանաձոր
_____ 16036107814200 _____